



## **IZVJEŠTAJ O RADU ASOCIJACIJE U PERIODU JUNI 2005. – JUNI 2006.**

U proteklih godinu dana AQBiH je imala sljedeće osnovne aktivnosti:

1. Održane su četiri sjednice Upravnog odbora sa nepotpunim kvorumom: Fojnica 08.11.2005. godine, Tuzla 17.12.2005. godine i Sarajevo 11.04.2006. i 06.06.2006. godine.  
Na dnevnom redu je razmatrano 23 tačke dnevnog reda.  
Problem rada UO je obezbjeđenje kvoruma za sjednice.
2. Održan je 4-ti Međunarodni naučno-stručni skup „KVALITET 2005“ od 09 do 12. novembra 2005. godine u Fojnici uz prisustvo oko 160 učesnika, na kome je saopšteno 86 radova. Tokom prezentacije radova odvijala se veoma plodna rasprava o iznešenim temama. Skupom su dominirale teme iz oblasti kvaliteta u visokom obrazovanju i kvaliteta u komunalnim djelatnostima. Ovim skupom je obilježen i Svjetski dan kvaliteta i Evropska sedmica kvaliteta u Bosni i Hercegovini. Skup su organizirali Mašinski fakultet iz Zenice, AQBiH i Katedra za metrologiju i upravljanje kvalitetom Univerziteta u Erlangenu.
3. Održani su „II dani kvaliteta i inovacija“ u Bihaću, 21.11.2005. godine., u organizaciji sa Privrednom komorom Unsko-sanskog kantona. Manifestaciji je prisustovalo oko 50 učesnika. Među osnovnim temama skupa su bile teme o aktivnostima AQBiH i Instituta za akreditaciju BiH kao dijela kuće kvaliteta BiH. Manifestacija je bila dobro popraćena u lokalnim medijima.
4. Prvi put je predstavnik AQBiH, Mr. Mičo Jančev, učestvovao u radu Generalne Skupštine EOQ-a, održane 10. decembra 2005. godine u Beču.
5. U decembru, 17.12.2005. godine, u Tuzli je osnovan podružnica AQBiH za Sjeveroistočnu Bosnu. Na osnivačkom sastanku bilo je prisutno oko 40 učesnika uglavnom iz privrednih organizacija i nešto iz struktura vlasti i administracije. Izabran je organ upravljanja podružnice i usvojen plan rad. U okviru skupa održano je predavanje Mr. Miče Jančeva o aktuelnom stanju u području kvaliteta u Evropi.
6. U maju, 25.05.2006. u Zenici je osnovana Podružnica AQBiH Srednja Bosna. Na osnivačkom sastanku bilo je prisutno oko 50 učesnika uglavnom iz privrednih organizacija, obrazovnih institucija, organa uprave, ministarstava kantona. Izabran je organ upravljanja i usvojen plan rad. Vođena je plodna diskusija o ulozi i zadacima podružnice.
7. Predstavnik AQBiH, Mr. Mičo Jančev, učestvovao je u radu 107. Generalne Skupštine EOQ-a i Svjetskog Samita kvaliteta koji su se održali 26. maja 2006. godine u Antverpenu.

8. U junu 07.06. 2006., u Sarajevu je osnovana Podružnica AQBiH Sarajevska regija. Bilo je prisuno oko 40 učesnika. Takođe je izabran organ upravljanja i usvojen plan rada
9. U okviru aktivnosti predsjednika, potpredsjednika i sekretara Upravnog odbora obavljeno je više razgovora o mogućnostima saradnje u realizaciji programa Asocijacije kao npr. sa:
  - predstavnicima italijanske privredne komore o provođenju programa edukacije za kvalitet u privrednim organizacijama,
  - predstavnicima BAS programa (gospodin Zihnija Hasović) o poslovnom savjetovanju u području implementacije sistema upravljanja kvalitetom,
  - predstavnicima International Finance Corporation (Selma Resavac) o uvođenju međunarodnih tehničkih standarda i programa regulacije,
  - predstavnicima Nacionalne i Univerzitetske biblioteke BiH o uvođenju sistema kvaliteta u bibliotekstvo BiH (prof. dr. Enes Kujundžić).
  - predstavnicima Asocijacije za informacione tehnologije u vezi moguće saradnje na poljima kvaliteta i informatike.

Osnovni cilj razgovora je bila želja ovih organizacija da dobiju pomoć i koriste kanale komunikacije Asocijacije za kvalitet za provođenje njihovih programa u BiH.

10. Predsjednik i sekretar su učinili više aktivnosti na obezbjeđenju finansijskih sredstava za rad AQBiH kontaktirajući sa kantonalnim, federalnim i državnim institucijama i preduzećima.
11. Inicirana je saradnja sa državnim organima (Direkcija za evropske integracije, Ministarstvo za ekonomske odnose sa inostranstvom, Vanjsko trgovinska komora BiH).
12. AQBiH učestvuje u formiranju virtualne mreže kompanija koje se bave obukom i treningom za kvalitet Jugoistočne Evrope po programu CARDS

U funkcioniranju AQBiH u proteklom periodu uočeni su i neki problemi za koje treba tražiti rješenja u narednom periodu:

1. Nedovoljna aktivnost nekih članova Upravnog odbora koji stalno radi na granici kvoruma ili ne može da sastavi kvorum što se vidi iz pregleda posjeta sjednicam Upravnog odbora. Iz tih razloga program rada AQBiH u prethodnoj godini nije u potpunosti realizovan.
2. Nedovoljna sredstva za finansiranje rada AQBiH. Sama članarina nije dovoljna za finansiranje planiranih aktivnosti a doprinosi institucija su veoma mali. Sada je glavni problem obezbjeđenje sredstava za članarinu za 2006. godinu u Evropskoj organizaciji za kvalitet (3.300 EURO). Takođe je i naplata članarine nedovoljno efikasna.
3. Inicirana je saradnja sa državnim organima ali je to samo u početnom obliku nedovoljnom za realizaciju programa AQBiH.
4. Teško se postiže napredak u definiranju programa obrazovanja za kvaliteta na nivo AQBiH

Na kraju, možemo zaključiti da je, i pored svih navedenih problema sa kojima se suočavala u svom radu, AQBiH u proteklom periodu uspjela ostvariti najvažnije ciljeve definirane u svojoj viziji i misiji, zahvaljujući, prije svega, entuzijazmu pojedinaca i podršci koju su pružili pojedine organizacije i institucije iz BiH.

Ovom prilikom smatramo za potrebnim da izrazimo posebnu zahvalnost generalnom sekretaru EOQ, gospodinu Bertrand Jouslin de Noray, zbog njegovog ličnog doprinosa u uključivanju AQBiH u EOQ, kao i iskazanom razumjevanju za probleme sa kojima se mi u ovom trenutku suočavamo.

Našu iskrenu zahvalnost izražavamo Mašinskom fakultetu Univerziteta u Zenici, koji je stavio svoje resurse na raspolaganje AQBiH i koji uporno i uspješno ostvaruje svoju koordinatorsku ulogu u stvaranju pokreta za kvalitet u Bosni i Hercegovini.

Zahvaljujemo se Vanjsko/Spoljno trgovinskoj komori BiH i Ministarstvu spoljnje trgovine, sa kojima smo u realizaciji naših aktivnosti imali izvanrednu saradnju, zasada možda jedinim institucijama na nivou države koje su shvatila značaj promoviranja ideje kvaliteta u našoj zemlji i koje su pronašle svoje mjesto i ulogu u tome.

Ne smijemo zaboraviti ni preduzeća koja su, svaka na svoj način, doprinijela stvaranju pozitivnog ambijenta tokom realizacije određenih naših aktivnosti. To se, prije svega odnosi na RGH INSPEKT, Energoinvest – Sarajevo, Privredna komora Unsko-sanskog kantona, BH Telecom, Aluminijski zavod – Mostar, „ORAO“ a.d. Bijeljina, Mikroelektronika Banjaluka, Vodovod i kanalizacija – Sarajevo, Solana – Tuzla.

U prilogu se nalazi finansijski izvještaj o poslovanju AQBiH.

PREDSJEDNIK:

---

Prof. dr. Safet Brdarević